

DESKRISAUN BA POZISAUN

Senior VSLA and Agribusiness Project Officer

Titulu pozisaun	Senior VSLA and Agribusiness Project Officer
Lokalizasaun	Ermera (pozisaun 1) no Oé-cusse (pozisaun 1)
Relata ba	VSLA and Agribusiness Project Officers
Grau	Grau 5 step 1
Salariu	US \$779 kada fulan
Tipu pozisaun	Tinan 1
Data komesa/durasaun	1 Abril, 2023

1. Konaba CARE Internasionál iha Timor-Leste

1.1 Konaba CARE

CARE hanesan organizasaun internasionál ba dezenvolvimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho comunidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efetivu ida atu kria impaktu ba dezenvolvimentu ne'ebé sustentavel.

Asegura moris di'ak no rona feto no labarik feto sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Feto sira-nia Ekonómia, Saúde no promove Feto sira-nia Lian iha sosiedade liu husi programa dezenvolvimentu no umanitariu sira.

1.2 Konaba programa

CARE Internasionál iha Timor-Leste atu implementa estensaun ba Programa Edukasaun no Nutrisaun – HATUTAN, ho finansiamentu husi governu amerikanu liu Departamentu Agrikultura Estados Unidos (USDA). Programa HATUTAN atu hari'i pareseria entre eskola ho ninia comunidade hodi apoiu labarik sira aprende lee, no hadi'ak pratika saúde (nutrisaun no ijiene ba labarik no adultu sira iha munisípiu ka rejiaun Ainaro, Ermera, Oé-cusse no Manatuto. Ministériu Edukasaun, Juventude no Desportu (MEJD) mak lidera parseiru governu nian ho HATUTAN atu hametin labarik nia abilidade lee iha pré-eskola no ensinu báziku, apoiu ba nutrisaun no hala'o

implementasaun kompletu ba governu nia programa merenda eskolár. Programa HATUTAN mos servisu iha kolaborasaun ho Ministériu Saúde (MS), Ministériu Administrasaun Estatal (MAE) no Ministériu Agrikultura no Peskas (MAP).

2. Knaar

KNAAR SENTRÁL POZISAUN: Pozisaun nu'udar Senior Ofisiál Projetu *Village Savings and Loans Association- VSLA*, (Asosiasaun Grupu Rai no Empresta Osan) no Agro-Negósiu nian sei apoia ba comunidade rurál sira hodi fornese hela-fatin (uma) ne'ebé seguru, saudavel no nakonu ho kontente ba moris no susesu família sira nian. Komponente Grupu Rai Osan no Agro-negósiu husi HATUTAN sei: permite família sira atu komprende no prátika nutrisaun di'ak no ijjene iha uma ho espasu ne'ebé livre husi ta'uk no violénsia; permite família sira atu investe ba edukasaun oan sira nian; hasa'e abilidade to'os-na'in sira nian atu mobiliza kapitál (osan-inan); no haboot liután produsaun iha to'os. Ida ne'e envolve mobilizasaun no treinamentu ba membru comunidade sira, liu-liu feto sira, atu forma ka hametin Asosiasaun Rai no Empresta Osan iha comunidade eskolár sira. Inklui kontinua nafatin ho comunidade eskolár sira ne'ebé antes ne'e sai alvu HATUTAN nian no comunidade eskolár foun sira.

Pozisaun ne'e sei fornese lideransa tékniku ba Grupu-Rai-Empresta-Osan no intervensaun Agro-negósiu husi programa HATUTAN ne'ebé foka ba hadi'a rendimentu no hamenus risku iha nivel produsaun to'os nian atu nune'e família rurál sira bele hetan benefísiu. Funsauun spesífiku husi pozisaun ne'e mak atu dezenvolve padraun tékniku sira ba qualidade programa hodi hametin ekonomia, asegura integrasaun área programa tomak HATUTAN nian, dezenvolve ferramentu sira no adapta matadalan sira ba qualidade programa, fasilita kapasitasaun ba pesoál terrenu no parseiru implementadór sira iha sira-nia área tékniku, no partisipa iha enkontru jestaun sira bainhira presiza. Pozisaun ne'e nia baze iha Ermera (ema 1) ka Oe-cusse (ema 1) ho viajen ba Dili no fatin sira seluk programa nian.

RESPONSABILIDADE: Grupu-Rai-Empresta-Osan

- Dezeña no dezenvolve planu serbisu ba operasaun terrenu nian iha setór agro-negósiu no hari'i Grupu-Rai-Empresta-Osan liuhusi kolaborasaun ho ofisiál terrenu no parseiru lokál sira.
- Asegura katak tenke konsidera nafatin empoderamentu feto no igualdade jéneru iha faze planeamentu nian.
- Asegura katak implementasaun programa sira iha terrenu kontinua nafatin tuir planu ne'ebé aprova ona no asaun korretivu balu foti ho loloos no tuir tempu.
- Fasilita ligasaun entre Grupu-Rai-Empresta-Osan ka grupu produsaun sira ho Instituisaun Mikro-Finansas sira.
- Dezenvolve kapasidade pesoál programa ka parseiru sira konabá operasaun Grupu-Rai-Empresta-Osan no inisiativa sira ne'ebé relevante.
- Tau-matan ba oráriu no implementasaun treinamentu ba Grupu-Rai-Empresta-Osan lokál sira hodi dezenvolve kapasidade nivel lokál nian.
- Orienta pesoál *programa* ka parseiru sira konabá metodolojia Grupu-Rai-Empresta-Osan no hala'o treinu ba treinadór (TOT) konabá metodolojia refere ba pesoál sira.
- Prepara no submete relatóriu mensál konabá sumáriu programa nian ba Jestór Programa *Livelihood* nian inklui atualiza dados Grupu-Rai-Empresta-Osan nian.

- Fornese koñesimentu tékniku konabá Monitorizasaun no Avaliasaun ba Grupu-Rai-Empresta-Osan iha asuntu sira hanesan dezvoltimentu ferramentu Monitorizasaun no Avaliasaun nian.

Kadeia Valór no Dezenvolvimentu Merkadu

- Serve nu'udar lider tékniku hodi dezeña, implementa no monitoriza treinamentu nivel terrenu nian konabá prátika agrikultura sustentavel no atividade merkadoria nian.
- Serbisu hamutuk ho Jestór Programa *Livelihood* nian atu koordena parseiru sira inklui empreza privadu sira, grupu produtór no merkadoria sira no Grupu-Rai-Empresta-Osan.
- Fornese apoiu tékniku ba formasaun grupu produtór ka kooperativa sira iha kadeia valór nia-laran no promove partisipasaun feto sira nian iha lideransa.
- Koordena kapasitasaun iha dezvoltimentu organizasaun, agro-negósiu, kadeia valór, merkadoria no responde ba barreira jéneru sira.
- Apoia dezvoltimentu Empreza Ki'ik no Médiu bazeia ba Merkadu no estabelese ligasaun ho servisu sira ba dezvoltimentu negósiu nian.
- Hametin ligasaun liuhusi kadeia valór no análize merkadu, no reeve arranju sira ba produtór no merkadoria nian.
- Fasilita forum parseria públiku, privadu no produtór nian (autór kadeia valór nian, parseiru implementadór sira) hodi rezolve kestaun sira.

Dezenvolvimentu Koñesimentu

- Distribui lisaun hirak ne'ebé aprende ona ba pesoál terrenu no grupu comunidade sira no aplika lisaun hirak ne'e iha pratika loro-loron.
- Koordena atividade sira ho Grupu-Rai-Empresta-Osan no dezvoltimentu merkadu ho pesoál tékniku husi governu munisipál.
- Prodús sumáriu badak lisaun nian hodi fó sai susesu xave sira no impaktu husi Grupu-Rai-Empresta-Osan sira ba membru grupu marjinalizadu sira.
- Fó orientasaun ka matadalan ba Ofisiál Projetu ba Grupu-Rai-Empresta-Osan no Agro-negósiu nian ka pesoál parseiru nian atu reeve dadus monitorizasaun ka relatóriu terrenu hodi reflète ba lisaun hirak ne'ebé aprende ona no halo melloramentu ba HATUTAN nia apoiu ba membru Grupu-Rai-Empresta-Osan no grupu to'os-na'in sira.
- Koordena revizaun progresu regulár ho pesoál terrenu, organizasaun parseiru sira no governu munisipál, no propoin medida ka asaun korretivu ruma.
- Partisipa iha monitorizasaun progresu ba norma sosiál ka jéneru ruma ho karakter diskriminatóriu ne'ebé identifika.

Jestaun Ema nian

- Halo supervizaun ba Ofisiál Projetu Grupu-Rai-Empresta-Osan no Agro-negósiu nian (Ermera) ka intervensaun organizasaun parseiru (Oe-cusse) no peritu tékniku ruma ba Grupu-Rai-Empresta-Osan no dezvoltimentu agro-negósiu, ne'ebé aplika prosesu melloramentu sira iha programa.
- Dirije Ofisiál Projetu no parseiru asiadu sira atu hadi'a qualidade husi atividade sira programa nian.
- Fornese orientasaun no treinamentu ba Ofisiál Projetu Grupu-Rai-Empresta-Osan no Agro-negósiu nian ne'ebé foin tama servisu (orientasaun).
- Hala'o sesaun reflesaun regulár hamutuk ho Ofisiál Projetu sira.
- Promove aprendizajen ba ekipa munisipál no rejionál tomak.

- Identifika lakuna ruma iha Ofisiál Projetu ka pesoál parseiru sira nia koñesimentu konabá programa no atividade sira no implementa planu kapasitasaun atu rezolve.

RESPONSABILIDADE SIRA SELUK:

- Hala'o knaar tuir mandatu husi supervizór.
- Partisipa iha preparasaun emerjénsia no asiste iha resposta emerjénsia ruma bainhira presiza.
- Promove ambiente serbisu ne'ebé seguru no saudavel; haburas kultura konxiénsia konabá seguru no seguransa no halo tuir beibeik CARE nia polítika seguru no seguransa, prosedimentu no diretiva sira tomak.
- Hatudu kompromisu ba igualdade jéneru, diversidade no protesaun ba labarik.

3. Kriteria ba selesaun

EXPERIÉNSIA NO KUALIFIKASAUN:

- Lisensiadu Universidade iha área Ekonomia Agrícola, Estudu Dezenvolvimentu, Estudu Negósiu, Ekonomia, Siénsia Sosiál ka ekivalente.
- Esperiência tinan 4-5 iha área dezenvolvimentu komunitária ho Grupu-Rai-Empresta-Osan, no agro-negósiu.
- Koñesimentu no esperiência iha dezenvolvimentu sosoi-ekonómiku rural nian.
- Esperiência atu dezenvolve materiál sira treinamentu nian.
- Esperiência atu fasilita treinamentu no treinu ba treinadór.
- Komprende no hatudu komitmentu ba importánsia husi asuntu jéneru no foin-sa'e nian iha seguransa ai-han, okupasaun no programasaun reziliénsia nian.
- Komprensaun konabá barreira potenciál jéneru nian iha agro-negósiu no abilidade atu adapta tuir abordajen sira.
- Iha abilidade komputadór ne'ebé di'ak, inklui esperiência ba MS Word, Excel, no baze dados Grupu-Rai-Empresta-Osan nian.
- Abilidade atu serbisu mesak no iha ekipa nia-laran.
- Iha abilidade analítiku no numériku ne'ebé aas no atensaun di'ak ba detallu sira.
- Abilidade hakerek no ko'alia iha Lian Tetun no Inglés sei sai vantajen di'ak.
- Abilidade konabá jestaun emar nian ne'ebé exelente.
- Abilidade Pro-ativu hodi rezolve problema no organiza.